



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXXIV. Absolutio a censuris quorundam Canonorum Ecclesiæ
Bisuntinæ.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

verint adducta, specificata, verificata vel justificata fuerint, aut ex alia quacumque etiam quantumvis legitima, juridica, pia, & privilegiata causa, colore, pretextu, & capite, etiam in corpore juris clauso, de subreptionis, vel obreptionis, aut nullitatis vitio, seu intentionis nostrae, aut interesse habentium consensus, aliove quolibet, etiam quantumvis magno, & substantiali, individuumque expressionem requirente, ac incogitato, & inexcogitabili defectu notari, impugnari, modificari, limitari, infringi, detrectari, vel invalidari, ad terminos juris reduci, seu in controversiam vocari, aut adversus illas aperiitionis oris, restitutionis in integrum, aliudve quodcumque juris, facti, vel gratiae remedium impetrari, vel intentari, seu impetrato, aut etiam motu, scientia, & potestatis plenitudine similibus concessio, vel emanato quoniam in iudicio, seu extra illud uti, seu se juvare nullo modo posse, sed ipsas praesentes Literas firmas, validas, & efficaces existere, & fore, suosque plenarios, & integros effectus sortiri, & obtinere, ac tibi in omnibus, & per omnia plenissime suffragari, & ab illis, ad quos spectat, & pro tempore spectabit, inviolabiliter, & inconvulso observari.

§. 4. Sicque, & non aliter in praemissis per quoscumque Judices Ordinarios, & delegatos, etiam Causarum Palatii Apostolici Auditores, ac S. R. E. praefatae Cardinales, etiam de Laterane Legatos, & Apostolicae Sedis Nuncios, necnon Generalem, caeterosque Inquisitores praefatos, & alios quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate iudicari: & definiti debere: ac irritum, & inane, si secus a quoquam quavis auctoritate scienter, vel ignoranter contigerit attentari.

§. 5. Non obstantibus praemissis, ac quatenus opus sit nostrae, & Cancellariae Apostolicae Regulae de iure quaesito non tollendo, aliisque Apostolicis, & in Universalibus, Provincialibusque Conciliis editis generalibus, vel specialibus Constitutionibus, & Ordinationibus, necnon quibusvis etiam juramento, confirmatione Apostolica, seu quavis firmitate alia roboratis statutis, stylis, usibus, & consuetudinibus, etiam immemorabilibus, privilegiis quoque Indultis, & Literis Apostolicis etiam in favorem S. Officii Regnorum praefatorum, illiusque Inquisitionum, etiam generalium, & Officialium, & Ministrorum quorumlibet per quoscumque Romanos Pontifices praedecessores nostros, ac nos, & Sedem praefatam sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, etiam Motu, scientia, & potestatis plenitudine paribus, ac consistorialiter, & alias quomodolibet in contrarium praemissorum concessis, confirmatis, & quantiscumque vicibus approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, atque alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, ac forma in illis tradita observata exprimerentur, & infererentur, praesentibus pro plene, & sufficienter expressis, & insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ac plenissime derogatum esse

volumus, caeterisque contrariis quibuscumque.

Datum Romae apud S. Mariam Majorem sub Annulo Piscatoris die 17. Aprilis 1675. Pontificatus nostri Anno Quinto.

I. G. Slusius.

Registrata in Secretaria in lib. 5. Brevium diversor. fol. 343.

Alia absolutio Joannis Baptistae Sauvage, & Francisci Perinet Canonorum Ecclesiae Bisuntinae, a censuris, & poenis quibus propter temerariam electionem Decani dictae Ecclesiae ab Alexandro VII. innodati, & de ejus ordine, & mandato denunciati fuerant.

Seriem hujusmodi Censurarum, & poenarum, necnon causas, ob quas latae fuerunt, videas in Constitutione hujus Pontificis incipien. Alias postquam.

VEN. FRATRI PETRO ARCHIEPISCO BISUNTINO.

CLEMENS PAPA X.

Venerabilis Frater Salutem, & Apostolicam Benedictionem.

Cum Nos per quasdam Nostras in simili forma Brevis die 16. Novembris proxime praeteriti expeditas literas Tibi dederimus in mandatis, ut quatuor ibidem nominatos Canonicos istius Metropolitanae Ecclesiae Bisuntinae, qui una cum aliis ejusdem Ecclesiae Canonicis dudum Decanatus Dignitate prima post Pontificalem in Ecclesia hujusmodi per promotionem bon. mem. Joannis Jacobi Fauche de Dompriel ad dictam Ecclesiam Bisuntinam Pastoris solatio tunc destitutam a fel. rec. Alexandro PP. VII. praedecessore Nostro factam vacante, & per eundem Alexandrum praedecessorem suae dispositioni specialiter reservata, contra ipsius Alexandri praedecessoris mandata eis intimata Guilelmum Humbertum a Praecipiano in Decanum ejusdem Ecclesiae nulliter, ac temerarie eligere, & illum in possessionem Decanatus hujusmodi intrudere, aliosque excessus committere ausi fuerant, eaque de causa ab ipso Alexandro praedecessore per quasdam suas pariter in forma Brevis literas diversis censuris, & poenis Ecclesiasticis innodati, dictique Alexandri Praedecessoris jussu publice denunciati, nec unquam a censuris, & poenis hujusmodi canonice absoluti, sed illis adhuc illaqueati reperiebantur, attenda eorum persistencia de dicta electione sic per eos temerarie facta, quam uti a Sede Apostolica damnatam damnaverant, & damnabant, & quantum in ipsis erat retractaverant, & retractabant cum juramento, quod dictum Guilelmum Humbertum in legitimum Decanum nunquam agniti, sed pro tali dilectum filium Joannem de Watteville a Sede Apostolica de dicto Decanatu legitime provisum habituri essent, a censuris, & poenis hujusmodi auctoritate nostra Apostolica sub certis modo, & forma tunc expressis absolveres, & cum eis opportune dispensares, & alias prout in eisdem nostris literis, quarum, ac praefatarum Alexandri praedecessoris literarum tenores praesentibus pro plene, & sufficienter expressis, ac de verbo ad verbum insertis haberi volumus, uberius continetur.

§. 1. Et sicut pro parte Joannis Baptistae Sauvage, & Francisci Perinet Canonorum ejusdem Ecclesiae Bisuntinae. Nobis nuper expositum fuit, ipsi quoque de praefatis excessibus plurimum dolentes, ac sincero corde, & reverenti gratiam hujus S. Sedis humiliter implorantes, parati sunt coram Te confiteri, & declarare, se ex animo

Dat. 17. Apr. 1675. An. 5.

LXXXIV.

Edita An. D. 1675.

Exordium.

Preces.

Decretum irritans.

Contrariis amplissime derogat.

poenitere dicta electionis ab ipsis facta die 23. Augusti 1661. de Persona prefati Guillelmi Humberti a Praecipiano in Decanum dictae Metropolitanae Ecclesiae Bisuntin., eamque electionem, uti a Sede Apostolica damnata, damnare, & reprobare, ac quantum in ipsis est illam, omniaque contra Sedis Apostolicae iussa inde secuta retractare, ac polliceri, & jurare, se eundem Guillelmum Humbertum nunquam agituros in legitimum Decanum, sed pro tali habituros memoratum Joannem de Watteville a Sede Apostolica legitime provisum de dicto Decanatu, ac proinde sibi pariter de absolutionis beneficio, & dispensationis gratia, in praemissis a Nobis provideri summopere desiderent:

Benignitas Sedis Apost.

§. 2. Nos qui illius vices gerimus in terris, cuius proprium est misereri semper, & parcere, attendentes, quod dictae Sedis Apostolicae copiosa benignitas filiis post excessum ad matris charitatem cum humilitate recurrentibus gremium minime claudere, sed eos obvisis ulnis amplecti consuevit, ac proinde eisdem exponentes specialis favore gratia prosequi volentes, & eorum singulares personas a quibusvis excommunicationis, suspensionis, & interdicti, aliique Ecclesiasticis sententiis, censuris, & poenis, a iure, vel ab homine quavis, praeterquam praemissorum occasione, vel causa latis, si quibus quomodolibet innodatae existunt, ad effectum praemissorum dumtaxat consequendum harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinati, Fraternalitati tuae per praesentes committimus, & mandamus, ut confitto Tibi de narratis, eisdem Joannem Baptistam Sauvage, & Franciscum Perinet, si hoc a Te humiliter petierint, imposita eorum singulis pro praemissis arbitrio tuo aliqua poenitentia salutari, ac facta prius per eos coram Te declaratione poenitentiae de dicta electione per eos, ut praefertur facta, ipsaque electione cum omnibus inde contra dictae Sedis Apostolicae iussa secutis damnata, reprobata, & quantum in ipsis fuerit retractata; necnon praestito per eos in manibus tuis juramento, quod praefatum Guillelmum Humbertum a Praecipiano in Decanum dictae Ecclesiae Bisuntin. nunquam agituri, sed dictum Joannem de Watteville pro legitimo Decano ejusdem Ecclesiae agituri sint, consecutoque super his publico Instrumento, quod tuo sigillo clausum, & obsegnatum ad Nos, & hanc S. Sedem quam primum transmitti debeat; ab excommunicatione, ac suspensione, ab executione Sanctorum Ordinum, & ab exercitio quorumcumque Officiorum, ac privatione vocis activae, & passivae, & omnium fructuum eorum Praebendarum, & aliorum Beneficiorum Ecclesiasticorum, ac quotidianarum etiam distributionum, aliisque sententiis, censuris, & poenis Ecclesiasticis, quas propter praemissa quomodolibet incurrerunt, auctoritate nostra Apostolica arbitrio pariter tuo in utroque foro absolvas, & totaliter liberes, dictasque poenas, necnon fructus, & distributiones huiusmodi per eos propter eadem praemissa forsan indebite perceptos, ita tamen ut fructus quidem, qui juxta praefatarum Alexandri praedecessoris literarum dispositionem in pauperum elemosynas distributi, & erogati fuerint, distributiones vero, quae ceteris Ecclesiae deservientibus acceperint, & inter eos etiam distributae reperientur, repetere nullo modo possint, eis, & eorum cuilibet dicta auctoritate gratiose remittas, & condones.

Absolutio a Censuris ad effectum praemissorum dumtaxat consequendum.

Committit Archiepiscopo Bisuntino eorum absolutionem, & sub qua forma.

Condonatio fructuum, & distributionum, prout in rubrica.

Dispensatio super irregularitate hac occasione contracta.

§. 3. Ac cum eis, & eorum quolibet super irregularitate per eos qui a censuris huiusmodi propter praemissa innodati, Sacrosanctum Missae Sacrificium, & alia divina Officia celebraverunt,

& alias in Ordinibus suis ministrarunt, quomodolibet contracta, itaut illa, & iisdem praemissis non obstant., dummodo nullum aliud canonicum eis obster impedimentum, clericali characteri, quo alias rite insigniti fuerunt, illiusque privilegii, ac susceptis per eos pariter alias rite minoribus, & sacris, etiam Presbyteratus Ordinis uti, & quatenus illos nondum susceperint, ad illos, si ad id idonei reperiantur, servatis alias servandis, promoveri, & promoti in illis, etiam in Altaris ministerio ministrare libere, & licite possint, & valeant respective, ac ad alium quemcumque effectum, etiam specifica, & individua mentione, & expressione dignum, auctoritate, & arbitrio praefatis dispenses, omnemque inhabilitatis, & aliam quamcumque maculam, sive notam contra eos ex praemissis quomodolibet insurgentem, seu resultantem ab eis, eorumque quolibet penitus, & omnino abstergas, & aboleas: Nos enim quamcumque necessariam, & opportunam ad praemissa facultatem Tibi harum serie eadem auctoritate tribuimus, & impertimur.

§. 4. Non obstantibus praemissis, necnon omnibus, & singulis illis, quae in praefatis Alexandri Praedecessoris, & Nostri respective concessa sunt non obstar, ceterisque contrariis quibuscumque.

§. 5. Ceterum non intendimus per praesentes literas cuiquam eorum, qui a praefatis Joanne Baptista, & Francisco Canonicis earumdem praesentium vigore absolvendis, seu eorum aliquo ex causa, seu electionis supradictae, seu eorum quae inde secuta sunt, aut emeruerint, aliquo damno, vel detrimento affecti fuerint, ullum, etiam minimum, praedictum inferre, aut inde quoquomodo inferri posse, sed unicumque jura sua salva, & illa remanere declaramus.

Datum Romae apud S. Mariam Majorem sub Annulo Piscatoris die 19. April. 1675. Pontificatus nostri Anno Quinto.

I. G. Slusius.

Registr. in Secr. Brev. in lib. 5. diver. fol. 267.

Confirmatio Decreti Congregationis SS. Rituum ne liceat Fratibus Trinitariis Redemptionis Captivorum habere Imagines cum eorum habitu depictas, vel sculptas B. Petri Paschasi Martyris Ordinis B. Mariae de Mercede Redemptionis Captivorum.

CLEMENS PAPA X.

Ad futuram rei memoriam.

Nuper ad instantiam dilecti filii Mathiae de Cordona Vicarii, & Procuratoris Generalis Ordinis Fratrum Beatae Mariae de Mercede Redemptionis Captivorum Congregatio Venerabilium Fratrum nostrorum S. R. E. Cardinalium Sacris Ritibus praeposita decretum edidit tenoris, qui sequitur, videlicet: Valentina Censurarum, & picturarum pro parte, & ad instantiam Patris Magistri Fratris Mathiae de Cordona Vicarii, & Procuratoris Generalis Ordinis Beatae Mariae de Mercede Redemptionis Captivorum, tam nomine proprio, quam suae Religionis instatum fuit apud Sac. Rituum Congregationem pro relaxatione Censurarum contra Patres Conventus Ordinis Sanctissimae Trinitatis Redemptionis Captivorum Civitatis Valentiae, eo quod habuerunt recursum ad Iudices laicos Tribunalis Valentiae, & ab eo inhibitionem extorcerunt contra praedictos Patres de Mercede ad impediendum ne isti uterentur decretis ejusdem Sacrae Congregationis, & Brevibus Aposto-

Ab eis omnem inhabilitatis, & aliam quamcumque maculam abstergat.

Per praesentes literas non intendit praedictare eis, qui a Canonicis absolvendis aliquo damno affecti fuerunt.

Dat. 19. April. 1675. An. 5.

LXXXV.

Exordium ab instantia Frat. B. Mariae de Mercede Redemptionis Captivorum.